

大清宣宗成皇帝實錄

大清宣宗效天符運立中體正至文聖武智勇
仁慈儉勤孝敏成皇帝實錄卷之四百三十八

監修總裁官經筵日講起居注官太子太保體仁閣大學士文淵閣領閣事管理戶部事務工書房總師傅翰林院掌院學士兼管順

天府所尹事務隨帶加五級紀錄十八次臣費楨總裁官經筵講官文部尚書鑲藍旗漢軍都統管理新營房城內官房大臣稽察內

七倉大臣稽察會同四譯館事務加一級隨帶加六級軍功加三級紀錄五次臣花沙納經筵講官文淵閣提舉閣事兵部尚書總管

內務府大臣鑲白旗滿洲都統稽察內七倉大臣管理宗人府銀庫左翼幼官學憲壽宮圓明園筆處稽提督御茶膳房御藥房太

醫院造辦處事務隨帶加十八級臣阿靈阿副總裁官經筵講官兵部尚書隨帶加六級紀錄二十次臣周祖培等奉

敕修

道光二十七年丁未春正月辛巳朔

上詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○御乾清宮賜皇子親藩等宴○

烏魯木齊都統惟勤等奏遵查扎薩克郡王
伯錫爾呈獻之地熟田五千七百二十畝向
有舊渠足資灌溉生地四千八百三十二畝
現擬接濬新渠兩道添挖支渠三道以資分
灌所需工費趕緊勸捐辦理其經理渠道擬
每十戶設渠長一名給地六十畝每百戶設
總渠長一名給地九十畝專司其事其餘招
集耕種戶民每戶給地三十畝應共招戶二
百七十二戶熟田已令現招戶民及時播種

每畝徵糧一斗。於二十七年照例升科。其生地俟新渠工竣後再行覈辦。下部知之。○賞巴林扎薩克郡王那木濟勒旺楚克喀喇沁扎薩克郡王色伯克多爾濟黃韁。○壬午。

上御紫光閣賜蒙古王貝勒貝子公額駙台吉及外藩使臣呼圖克圖等宴。並賞賚有差。○命科爾沁扎薩克郡王索特納木倫布木子達特巴扎木蘇蘇尼特扎薩克郡王齊旺扎布子托第布木在乾清門行走。賞阿巴噶扎

薩克郡王阿爾塔什第子瓦新達喇土默特
扎薩克貝勒那蘇庫里依子散木巴諾爾察
扎魯特扎薩克貝勒薩迪爾子諾爾布林沁
鄂爾多斯扎薩克貝子察克都爾色楞子扎
那奇爾迪花翎○給浙江富陽餘杭新城寧
奉海桐廬五縣並杭嚴衛上年災歉軍民一月
工口糧○給安徽五河靈璧鳳陽三縣上年被
水被旱災民一月口糧○貸陝西神木府谷
高陵三州縣上年被旱災民籽種口糧○癸未

高宗純皇帝忌辰遣官祭

裕陵

上詣

奉先殿

壽皇殿行禮

○以庫倫辦事大臣成凱為塔爾

巴哈台參贊大臣伊犁領隊大臣豐紳為庫

倫辦事大臣乾清門二等侍衛岳明阿為伊

犁領隊大臣○甲申命散秩大臣慶興毋庸

在乾清門行走○乙酉諭內閣前因荊州駐

防旗人與咸寧武昌民人挾嫌聚毆該將軍等既失約束。又不及時具奏。當經降旨交部嚴加議處。茲據該部查例具奏。請降四級調用。該將軍統轄旗營。平時約束不嚴。臨事復不能彈壓。又不及時據實具奏。實屬年邁無能。恆通著降為三品頂帶休致。副都統忠靈德凌阿未能隨同管束。臨事又未具奏。本應照議降調。姑著從寬改為革職留任。○以察哈爾都統鐵麟為荊州將軍。察哈爾副都統

裕誠為都統。正黃旗漢軍印務參領景淳為

察哈爾副都統。○以御前侍衛特興額署正

黃旗蒙古副都統。○以兵部尚書何汝霖母

丁氏年屆九旬。五世同堂。賜

御書扁額福壽字並珍玩文綺。○給江蘇桃源

銅山蕭三縣並大河徐州二衛上年被水被

旱軍民一月口糧。○緩徵山東章邱濟陽德

德平惠民樂陵陽信霑化鄒汶上城武鉅野

鄆城范朝城聊城恩鄒平長山新城齊東臨

邑泰安萊蕪東平東阿海豐商河濱利津滕
陽穀壽張荷澤單濮莘高苑壽光高密臨清
邱濟寧金鄉嘉祥魚臺四十六州縣並德州
東昌臨清濟寧四衛上年被水被旱被風村
莊本年上忙額賦○丙戌

上詣

皇太后宮問安○○緩徵直隸霸天津青靜海滄
慶雲玉田武清薊寧河保定文安大城安獻
阜城景故城吳橋東光南皮鹽山南和平鄉

永年。雞澤。元城。南樂。清豐。寧晉。邯鄲。成安。肥鄉。廣平。磁。洺水。大名。鉅鹿。曲周。三十九州縣。上年災。歉。村莊新舊額賦。並貸倉穀。○給河南河內。修武。輝。武陟。汲。新鄉。獲嘉。安陽。延津。原武。永城。孟。濟源。十三縣。上年被水。被旱。災民口糧。籽種。並貸輝。汲。新鄉。獲嘉。湯陰。商邱。淇。溫。八縣災民倉穀。○丁亥。

世祖章皇帝忌辰。遣官祭。

孝陵。○諭內閣。壁昌等奏。蘇屬緩缺兵匠等米。

循案碾穀採買一摺。江蘇兵匠等項米石。既據該督等查明缺數。著准其於常平倉項下碾動穀三萬二千石。覈計該米一萬六千石。其餘米一萬七千十一石零。分飭各州縣於附近成熟地方按數採買。所需價銀即於司庫穀價款內借給。仍俟各屬屆限完徵。緩缺米石按數還倉造報。○戊子。享

太廟。遣惇郡王奕諒恭代行禮。○遣官祭

太歲之神。○諭內閣。前據戶部奏請推廣捐

輸米石章程。准令各省官民。前赴江蘇捐辦米石。照捐輸銀兩議敘。當有旨交壁昌等妥議。運京路程。或附海船抵津。或由內河抵通。茲據壁昌先行覆奏。糧船分帶捐米。每船不過數十石。為數無幾。雇用民船。又恐所費較重。自不若由海運津。較為便捷。著該督等即將海運一節。迅速妥議。由驛馳奏。至所稱有漕各省。願捐者就近由糧船灑帶。並北省官民就近購買海船商販米石。由天津交倉等

語著戶部議奏。尋議江蘇捐輸米石。該督等請令有漕各省。就近分於糧船灑帶。查該省現議章程。係屬籌辦一色粳米。而有漕各省。不盡出產粳米之區。儻令捐生於收買粳米後。分投各省交幫灑帶。勢實難行。至北省官民就近購買交倉一節。尤恐近畿一帶。米價增昂。於民食大有妨礙。仍應歸江蘇省辦理。以昭畫一。從之。○又諭壁昌等奏。請將商捐經費。餘存銀兩。發典生息。抵給操兵口糧等

項一摺。江蘇善後案內。商捐操巡經費贏餘銀二萬二千五百餘兩。著發典按月生息。所有每年利銀二千七百兩。除支給巡江不敷口糧銀一千五百三十六兩外。餘銀一千一百六十四兩。著每年提銀一千兩。以為演放沿江礮位。獎賞兵丁之用。並著免其造冊報銷。○又諭程商采奏清查未能辦竣。請展限一年一摺。江蘇省此次清查事宜。自道光元年。起至二十四年止。二十餘載。款項叢雜。冊

上以次辛祈穀於

上帝。自是日始齋戒三日。○乙丑。諭軍機大臣等。前據琦善奏。達賴喇嘛。班禪額爾德尼。差人赴附京地方。辦買哈達。緞匹等物。酌擬人馬騎馱數目一摺。當交該部議奏。茲據奏稱。詳覈該大臣所擬。係體察該處實在情形。均著照該大臣原擬辦理。惟所帶人馬騎馱。既經酌定數目。以後應令永遠遵守。不得漫無限制。並著西寧辦事大臣。屆期詳查奏定章程。逐一稽查。儻日後擅自增添。即著據實叅